

ახალი სარამბაული

373 (4) 5 მარტი, 2018 წ.

ძვირფასო ქალბატონებო!

მოფლეთვით გზაფარულს შე-
მობრძანებასა და მარტის უმწვე-
ნიერეს დღესასწაულს - დედისა და
ქალთა დღესს!
გსურვებთ ყოველივე ამბულე-
ბულს, რაც შთაფინებითა და შე-
მართებით აღაყეს თქვენს ყოველ-

დღიურ ცხოვრებას.
თავსუნი და სამთავადობრივი
წინსვლა განაგრძეთ და უფლის
მადლი ვფარავდეთ მუდამ!

**პატივისცემით, ხარაგაულის
მუნიციპალიტეტის
მერი ნიკოლოზ თოფურიძე**

დავით სერგეენკომ იმერეთის რეგიონის წარმომადგენლებს საყოველთაო ჯანდაცვის პროგრამაში დაგეგმილი სიახლეები გააცნო



პროგრამაში
დაგეგმილი
სიახლეებზე,
რომელიც
ბენეფიცი-
ართა რა-
ოდენობის
გაზრდასა
და მედიკა-
მენტების
წრის გაფარ-

შრომის, ჯანმრთელობისა
და სოციალური დაცვის მინისტრ-
ი დავით სერგეენკო იმერეთში
სახელმწიფო რწმუნებულს-გუ-
ბერნატორს გივი ჭიჭინაძეს, რე-
გიონის ხელმძღვანელ პირებს,
კლინიკების წარმომადგენლებსა
და მუნიციპალიტეტების მერებს
შეხვედნენ. შეხვედრაზე იმყოფე-
ბოდა მუნიციპალიტეტის მერი
ნიკოლოზ თოფურიძე, ხარაგა-
ულის სამედიცინო დაწესებულებ-
ის მენეჯერი შალვა ბიჭიაშვილი
და საზოგადოებრივი ჯანდაცვის
ცენტრის დირექტორი შმაგი ხი-
ჯაძე.

დავით სერგეენკომ დეტა-
ლურად ისაუბრა საყოველთაო
ჯანდაცვის პროგრამის მიმდინ-
არეობასა და მედიკამენტების

თოებას გულისხმობს. როგორც
აღინიშნა, სოციალურად დაუც-
ველი მოქალაქეები მედიკამენ-
ტებს ისევ სიმბოლურ ფასად
- 1 ლარად მიიღებენ. პენსიონე-
რები და შშმ პირები კი მნიშე-
ნელოვანი ფასდაკლებით ისარ-
გებლებენ. ერთ-ერთი მთავარი
თემა გახლდათ ასევე იმუნიზა-
ციის პროგრამა და ვაქცინაცია.
გარდა ამისა, ჯანდაცვის სამი-
ნისტროს წარმომადგენლებმა
დამსწრე საზოგადოებას ახალი
პორტალი (citizen.moh.gov.ge)
გააცნეს, სადაც მოქალაქეებს
საყოველთაო დაზღვევით გათ-
ვალისწინებული სერვისების
შესახებ სრული ინფორმაციის
მიღება შეუძლიათ.

სარაგაულის მუნიციპალიტეტის მერმა ნიკოლოზ თოფურიძემ ადმინისტრაციული ერთეულების წარმომადგენლებთან თათბირი გამართა და საგაზაფხულო სამუშაოებთან დაკავშირებულ საკითხებზე იმსჯელა.

მერის განმარტებით, ყველაფერი უნდა გაკეთდეს იმისათვის, რომ ხენა-თესვის კამპანია დროულად დაიწყოს და მოსახლეობას პრობლემები არ შეექმნას. ნიკოლოზ თოფურიძემ სოფლებში არსებული სახნავი სპეცტექნიკების მდგომარეობა მოიკითხა და აღნიშნა, რომ მუნიციპალიტეტი მზადაა, დაზიანებული ტრაქტორები შე-
აკეთოს.

თათბირზე განხილული იქნა ასევე ფაროსანასთან ბრძოლის მეთოდები, რომლის წინააღმდეგ გასატარებელი ღონისძიებების მიზნით, შექმნილია სამთავრობო კომისია და ადგილობრივ მოსახლეობას დაურიგდება პრეპარატები. შეხვედრაზე ადმინისტრაციული ერთეულების წარმომადგენლებმა დეტალურად ისაუბრეს მათ თემში არსებულ პრობლემებზე. განიხილეს ასევე სასმელი წყლის სათავე-ნაგებობების შეკეთების შესაძ-



ლო გზები. მერის განმარტებით, მიმდინარე წელს ყველა სოფელში უნდა მოგვარდეს სასმელი წყლის მიწოდების პრობლემა. თოფურიძემ წარმომადგენლებს ერთი კვირის ვადა მისცა, რათა ეს საკითხი დეტალურად შეისწავლონ და პროექტები წარმოადგინონ.

„სოფელი უნდა იყოს ძლიერი. ამისთვის ჩვენ, ყველამ ერთად, უნდა ვიმოქმედოთ. აუცილებელი და მთავარია გზების რეაბილიტაცია, სასმელი წყლის მოწოდება, ხიდ-ბოგიერების შეკეთება, გაზიფიცირება, რა-

ზეც აქტიურად მიმდინარეობს სამუშაოები“,- აღნიშნა ნიკოლოზ თოფურიძემ.

მერმა სოფლებში მიმდინარე ინფრასტრუქტურული პროექტების შესახებაც მოისმინა ინფორმაცია და ხაზგასმით აღნიშნა, რომ წარმომადგენლებმა სისტემატურად უნდა განახორციელონ სარეაბილიტაციო სამუშაოებზე მონიტორინგი, რადგან მშენებლობის ხარისხსა და სწორად შედგენილ პროექტზე მათი პასუხისმგებლობაც დიდია.

სარაგაულის კლინიკაში რეანიმაციული განყოფილება ამოქმედდა

სარაგაულის
სამედიცინო დაწე-
სებულებაში რეგი-
ონული ჯანდაცვის
ცენტრის დირექ-
ტორის, ნუგზარ
ბოლქვაძის, უშუ-
ალო ძალისხმევით,
რეანიმაციულმა
განყოფილებამ
დაიწყო ფუნქცი-
ონირება. კლინიკის
მენეჯერის, შალ-



ვა ბიჭიაშვილის, ინფორმაციით, განყოფილება თანამედროვე აპარატურითაა აღჭურვილი და საერთაშორისო სტანდარტის ნორმებს შეესაბამება.

„საქართველოს მასშტაბით ერთ-ერთი საუკეთესო რეანიმაციული განყოფილება გვაქვს, სადაც განთავსებულია მაღალტექნოლოგიური აპარატურა, მათ შორის, სასუნთქი აპარატი და მონიტორული სისტემა, რაც მნიშვნელოვანია პაციენტის საციკლოლოგო პარამეტრების მუდმივი მონიტორინგისათვის“,- აცხადებს კლინიკის მენეჯერი.

შალვა ბიჭიაშვილი მიიჩნევს, რომ რეანიმაციული განყოფილების წარმატებული ფუნქციონირებისთვის კვალიფიციური კადრებია მნიშვნელოვანი და კლინიკის ხელმძღვანელობამ სწორედ დიდი პრაქტიკული გამოცდილების მქონე სპეციალისტებზე შეაჩერა არჩევანი. აღსანიშნავია, რომ სარაგაულის საავადმყოფოს რეანიმაციული განყოფილების ხელმძღვანელად ანესთეზიოლოგ-რეანიმაციოლოგი ვალერიან კავთელაძე დაინიშნა, რომელსაც განათლება ხაბაროვსკის სამედიცინო ინსტიტუტში აქვს მიღებული. მას

ოცდაორნიანი სამუშაო გამოცდილება აქვს მოსკოვის სხვადასხვა კლინიკებში. ამჟამად მუშაობს ქუთაისში 112 -ისა და „ევექსის“ კატასტროფის ცენტრებში. გარდა ამისა, რეანიმაციულ განყოფილებაში პარალელურ რეჟიმში იმუშავენ მალალკვალიფიციური რეანიმატოლოგები: ლევან კვატაია, რევაზ კუტალაძე, სოსო სეფაშვილი და გიორგი უგრეხელიძე.

„მინდა, ჩემი წვლილი შევიტანო სარაგაულის კლინიკის განვითარებაში. აქ ყველა პირობაა იმისათვის, რომ პაციენტმა სრულყოფილი სამედიცინო მომსახურება მიიღოს. დღემდე სარაგაულელები, რომლებიც საჭიროებდნენ რეანიმაციულ ჰოსპიტალიზაციას, სხვა რაიონებში გადაჰყავდათ. ახლა უკვე ამის საჭიროება აღარაა. პირიქით, შესაძლებლობა გვექნება, ახლომდებარე მუნიციპალიტეტებსაც გავუწიოთ მაღალი ხარისხის მომსახურება.“

მერიის ახალი ინიციატივა-სარაგაულის იარსის განაგება იწყება

„დროა დავიწყოთ
სარაგაულის იერ-
სახის გალამაზება,
სასწრაფოდ უნდა
აღვრიცხოთ შენობე-
ბები, რომლებიც
მუნიციპალიტეტის
ბალანსზეა და დაბის
ცენტრალურ ქუჩებს
ამახინჯებს. წლე-
ვანდელ ბიუჯეტში
ჩადებულია გარკ-
ვეული თანხა, რაც
მოგვცემს იმის საშუ-
ალებს, მოვანსრიგოთ მუნი-
ციპალური შენობების გარე ფა-
სადები, გადავხუროთ მრავალ-
ბინიანი კორპუსები. რაც შეეხე-
ბა ისეთ ნაგებობებს, რომლებიც



კერძო და სახელმწიფო ქონების ეროვნული სააგენტოს საკუთრებაშია, უნდა ვეძებოთ გზები და ვანარმოოთ მოლაპარაკებე-

ბაჩოს ახალი ინიციატივა-სარგაშული იარსის მართვაში იწყება

დასაწყისი ▶ 1 გვ.

ბი, თუ როგორ ან რა ფორმით მოვანერგოთ ისინი,“ - ამის შესახებ ხარაგაულის მერმა ნიკოლოზ თოფურაძემ დაბაში მერის წარმომადგენელ ბაქარ ბარბაქაძესთან, მაჟორიტარ დეპუტატ პაატა გოგოლაძესთან, კეთილმონყოფის სამსახურის უფროს დავით ლაცაბიძესთან და მერის შესაბამისი სამსახურების უფროსებთან იმსჯელა.

ინფრასტრუქტურის სამსახურის უფროსის, თემური თაბუკაშვილის განმარტებით, დაბაში არსებული კორპუსების გარე ფასადებისა და სადარბაზოების მოწესრიგების მიზნით, მერია გეგმავს, აქტიურად ითანამშრომლოს კორპუსების „ამხანაგობებთან“ და მოლაპარაკების შედეგად, შესაძლოა, ეს პრობლემა „ამხანაგობისა“ და ადგილობრივი ბიუჯეტის თანადაფინანსებით გადაიჭრას.

ხარაგაულის მერი აღნიშნავს, რომ უსაფრთხოების ზომების დაცვის მიზნით, უნდა მოხდეს ფასადების დათვალიერება და შემონადგმის შემინული შენობები, რათა თავიდან ავიცილოთ უნებლიე შემთხვევები. „ინფრასტრუქტურის სამინისტროდან მივიღეთ კონკრეტული რეკომენდაციები და შენობები, რომელიც ამორტიზებულია და დანგრევის ექვემდებარება, უნდა დაინგრეს და ტერიტორია დასუფთავდეს.“ - მიმართა ხარაგაულის მერმა სამსახურის უფროსებს.

ნიკოლოზ თოფურაძის ინფორმაციით, პირველ რიგში, უნდა მოხდეს ტურისტულად აქტიური ზონების მოწესრიგება და ხარაგაულისთვის სავიზიტო ბარათად წოდებული „დევეების“ რეკონსტრუქციის სამუშაოები მიმდინარე წელს აუცილებლად განხორციელდება.

ქაპ შაპიძე

საკადრო ცვლილებები სარგაულის მუნიციპალიტეტში

ხარაგაულის მუნიციპალიტეტის მერის, ნიკოლოზ თოფურაძის, ბრძანების თანახმად, არქიტექტურისა და ზედამხედველობის სამსახურის უფროსად აფრასიონ ლურსმანაშვილი დანიშნა, რომელიც ამ დრომდე ამავე სამსახურში პირველი კატეგორიის უფროსი სპეციალისტი გახლდათ. მას დამთავრებული აქვს საქართველოს ტექნიკური უნივერსიტეტის ენერგეტიკისა და ტელეკომუნიკაციის ფაკულტეტი. 2010 - 2014 წწ მუშაობდა სამშენებლო ფირმაში სხვადასხვა პოზიციაზე, 2014- 2016 წწ კი-სამშენებლო სამსახურის უფროსის თანამდებობაზე.

ზედამხედველობისა და არქიტექტურის სამსახურის ყოფილი უფროსი, თემური თაბუკაშვილი, ინფრასტრუქტურისა და კეთილმონყოფის სამსახურის უფროსად განაგრძობს საქმიანობას. აღნიშნული თანამდებობა ვაკანტური მას შემდეგ გახდა, რაც მალხაზ ფხალაძე საკრებულოში დეპუტატად აირჩა. ბატონ თემურის დამთავრებული აქვს „აპოლონ ქუთათელაძის სახელობის სამხატვრო აკადემია“ არქიტექტორის სპე-



ციალობით. ამავე აკადემიაში მიიღო სამაგისტრო განათლება სამოქალაქო არქიტექტურის მიმართულებით.

რაც შეეხება, მერის შიდა აუდიტისა და მონიტორინგის სამსახურს გიორგი ჭყოიძე უხელმძღვანელებს. იგი ამ დრომდე აუდიტის სამსახურში მეორე კატეგორიის უმცროს სპეციალისტად მუშაობდა. მას დამთავრებული აქვს ილიას სახელმწიფო უნივერსიტეტის ბიზნეს ადმინისტრირების (საბანკო-საფინანსო საქმე) ფაკულტეტი, ფინანსისტი სპეციალობით. აღსანიშნავია,

რომ გიორგიმ სკოლა ოქროს მედალზე დაასრულა და უნივერსიტეტში 100%-იანი გრანტით ჩაირიცხა. იგი გახლდათ ა/ო-ს გამგეობის წევრი და ხელმძღვანელობდა საფინანსო-საორგანიზაციო მიმართულებებს. 2014-2015 წწ გაიარა სტაჟირება ფინანსთა სამინისტროს საბიუჯეტო დეპარტამენტში. 2015 წელს მუშაობდა ხარაგაულის მაჟორიტარი დეპუტატის ბიუროში ფინანსისტად. 2015-2016 წწ გახლდათ მუნიციპალიტეტის საკრებულოს აპარატის თანამშრომელი საზოგადოებასთან ურთიერთობის სა-

კითხეში. წარმატებით აქვს გაწეული შესაბამისი ტრენინგები და კვალიფიკაციის ასამაღლებელი კურსები.

მუნიციპალიტეტის მერმა ნიკოლოზ თოფურაძემ ახალი სამსახურის უფროსები თანამშრომლებს პირადად წარუდგინა და ახალგაზრდებს ნაყოფიერი საქმიანობა უსურვა.

„წარმატებებს გისურვებთ ჩვენი ქვეყნისა და მოსახლეობის საკეთილდღეოდ. ახალგაზრდების ჩართვა ხელისუფლებაში არის სწორად შერჩეული სტრატეგია ეკონომიკურად და ფინანსურად ძლიერი, დემოკრატიული, განვითარებული სახელმწიფოს შესაქმნელად. დარწმუნებული ვარ, ეს ახალგაზრდები ბევრ სასიკეთო საქმეს გააკეთებენ ხარაგაულის უკეთესი მომავლისათვის. მოგესენებათ, ცვლილებების მიზანია, უფრო მოქნილი და ეფექტიანი გახდეს ხელისუფლება ადგილობრივ თვითმმართველობაში და ამის შედეგს მომავალში არაერთხელ დავინახავთ!“ - დასძინა ნიკოლოზ თოფურაძემ.

ქაპ შაპიძე

მაღალმთიანი დასახლების ნუსხას მერე, ჩრდილი და გედსამანია დაემატა

ბაღდათი-ხარაგაულის მაჟორიტარი დეპუტატის, კობა ლურსმანაშვილის, აქტიური მუშაობით, მუნიციპალიტეტის სამ სოფელს (ზვარე, ჩრდილი, გედსამანია) მაღალმთიანი დასახლების სტატუსი მიენიჭა. ამ საკითხთან დაკავშირებით გადაწყვეტილება მთის განვითარების საბჭომ 27 თებერვალს მიიღო.

შეგახსენებთ, რომ აღნიშნული სტატუსი ენიჭება ისეთ დასახლებას, რომელიც ზღვის დონიდან 1500 მეტრის სიმაღლეზე ან მის ზევით მდებარეობს. საქართველოს მთავრობა უფლებამოსილია, სხვადასხვა კრიტერიუმის გათვალისწინებით, მაღალმთიანი დასახლების სტატუსი ასევე ზღვის დონიდან არანაკლებ 800 მეტრის სიმაღლეზე მდებარე სოფლებსაც მიანიჭოს.

აღსანიშნავია, რომ მაღალმთიანი დასახლებებისთვის სხვადასხვა შეღავათები გათვალისწინებული კერძოდ: გასული წლიდან დაიწყო ყოველთვიური



ფულადი დახმარების გაცემა იმ ბავშვებზე, რომელთა ერთ-ერთი მშობელი არის მაღალ-

მთიანი დასახლებაში მუდმივად მცხოვრები პირი.

სოციალური დახმარების სახით დანამატი გაიცემა პენსიონერებისთვის პენსიის 20%-ის ოდენობით. დაახლოებით 1 მილიონი ლარით დაფინანსდა სოციალური პაკეტის 20%-ის დანამატი, რაც მაღალმთიანი დასახლებაში მუდმივად მცხოვრებ სოციალური პაკეტის მიმღებ პირებზე გაიცემა.

შეღავათებით სარგებლობენ ასევე სხვადასხვა პროფესიის ადამიანები და ბიზნესის დაწყების მსურველები. ეს ძალიან მნიშვნელოვანი ნაბიჯია იმისთვის, რომ რაც შეიძლება მეტ ადამიანს გაუზრდეს მთაში დასახლების ინტერესი.

შეგახსენებთ, რომ ხარაგაულის მუნიციპალიტეტში მაღალმთიანი დასახლების სტატუსით აქამდე შვიდი სოფელი (ნუნისი, პატარა სახელარი, გოლისი, გოლათუბანი, გუდათუბანი, ნიფა და ფონა) სარგებლობდა.

ლილა ბუბულაშვილი

ხარაგაულის მუნიციპალიტეტში ხევი – არგვეთის ახალი საავტომობილო გზის პროექტზე იმსჯელეს

ხარაგაულის მუნიციპალიტეტის მერიაში ნევა-ბორითი და ბორითი-ხევის გზის მშენებლობის საკითხი და გარემოზე ზემოქმედების ანგარიში განიხილეს. ახალი საავტომობილო გზის პროექტის საჯარო განხილვას ხარაგაულის მუნიციპალიტეტის მერი ნიკოლოზ თოფურაძე, საკრებულოს თავმჯდომარე მანანა ბარბაქაძე და ადგილობრივი თვითმმართველობის სხვა წარმომადგენლები დაესწრნენ. გარემოზე ზემოქმედების შეფასების ანგარიში „გამაკონსალტინგის“ გარემოს დაცვის სპეციალისტმა მაკა სტამატელმა წარმოადგინა. მან გვირახებინა და ხიდების მშენებლობის პროცესში შესაძლო რისკ-ფაქტორებზე ისაუბრა, რომელიც აფეთქებების დროს წარმოიქმნება. მისივე ინფორმაციით, სულ 22 გვირახების მშენებლობა იგეგმება.

ხარაგაულის მუნიციპალიტეტის მერის, ნიკოლოზ თოფურაძის, განმარტებით, საავტომობილო გზის მშენებლობის პროცესში ყველა დეტალი უნდა იყოს გათვალისწინებული, ასევე განსაკუთრებული ყურადღება უნდა მიექცეს ფლორასა და ფაუნას. „გარემოს დაცვის საკითხები მნიშვნელოვანია. მშენებლობის პროცესში ვერ დავუშვებთ, რო-



მელიმე ცოცხალ ორგანიზმს საფრთხე შეექმნას. გასათვალისწინებელია ასევე, რომ მიწისქვეშა და ნაჟურ წყლებს გასასვლელი დაუტოვოთ.“ - დასძინა მერმა.

ეკონომიკისა და ქონების მართვის სამსახურის უფროსმა ჯაბა ბერაძემ ხაზგასმით აღნიშნა, რომ მშენებლობის პროცესში წარჩენების განთავსების საკითხს დიდი ყურადღება უნდა მიექცეს და თავიდანვე უნდა ვიცოდეთ, სად გან-

თავსდება ფუჭი ქანები.

საკრებულოს თავმჯდომარე მანანა ბარბაქაძემ ისტორიულ ძეგლებზე გაამახვილა ყურადღება და განმარტა, რომ გზის მშენებლობის პროცესში მათზე რაიმე ზემოქმედება არ უნდა მოხდეს.

შეხვედრის დასასრულს აღნიშნა, რომ პროექტი საბოლოო არაა და ადგილობრივი ხელისუფლების მიერ წარმოდგენილი შენიშვნები აუცილებლად იქნება გათვალისწინებული.

აღსანიშნავია, რომ რიკოთის უღელტეხილის მონაკვეთის მოდერნიზებას საქართველოს მთავრობა საგზაო ქსელის განვითარებისა და თანამედროვე სტანდარტებთან შესაბამისობაში მოყვანის კუთხით ახორციელებს. აღნიშნული მონაკვეთის მშენებლობა ხელს შეუწყობს ჩქაროსნული გზის გამტარუნარიანობის გაზრდას, ავტოტრანსპორტის მოძრაობის უსაფრთხოების დონის ამაღლებას, სატრანზიტო ტვირთბრუნვის გაზრდასა და მგზავრობის დროის შემცირებას.

ქაპ შაპიძე

ხარაგაულის მუნიციპალიტეტის მერმა ნიკოლოზ თოფურაძემ საჯარო მოხელეებს სერტიფიკატები გადასცა



ხარაგაულის მუნიციპალიტეტის მერის, ნიკოლოზ თოფურაძის, ინიციატივით, საჯარო მოხელეებისთვის ტრენინგები ჩატარდა. პირველ ეტაპზე გადამზადების კურსები მერის სამსახურებისა და განყოფილებების უფროსებმა გაიარეს, რომლებსაც სერტიფიკატები მუნიციპალიტეტის მერმა ნიკოლოზ თოფურაძემ პირადად გადასცა.

ლიდერობა, კონფლიქტების მართვა, გუნდური მუშაობის პრინციპი, ეფექტური

კომუნიკაცია, ადამიანის უფლებები, დროის მენეჯმენტი და პროექტის ციკლის მართვა - ეს ის თემებია, რომლებზეც საჯარო მოხელეებს მონვეულმა სერტიფიკირებულმა ტრენინგებმა მარიამ ზაქარაიამ და ნანა გოგოხიამ ტრენინგები ჩაუტარეს.

შემდეგი ჯგუფი, რომელიც აღნიშნულ საკითხებს გადის, ადმინისტრაციულ ერთეულებში მერის წარმომადგენლებისგან დაკომპლექტდა. მათთვის ტრენინგები სამი მარტიდან დაიწყო.

გაღების გავრცელების თანამშრომლებს უფასო სამედიცინო აქცია ჩატარდა



ეთერ კიკნაძის სახელობის სკოლამდე ალზრდის გავრცელებაში უფასო სამედიცინო აქცია ჩატარდა. აქცია ამავე გავრცელების დირექტორის მამუკა ჭიპაშვილის, ჯანდაცვის ცენტრის დირექტორის, შმაგი ხიჯაკაძის, ინიციატივითა და დაავადებათა კონტროლისა და საზოგადოებრივი ჯანმრთელობის დაცვის ეროვნული ცენტრის იმერეთის სამმართველოს მხარდაჭერით განხორციელდა.

დაავადებათა კონტროლისა და საზოგადოებრივი ჯანმრთელობის ეროვნული ცენტრის იმერეთის სამმართველოს უფროსის, გოჩა გიორგიძის, ინფორმაციით,

აქციის ფარგლებში გავრცელების თანამშრომლებს პროფილაქტიკური შემოწმება და პრევენციული სკრინინგი ჩატარდა: C ჰეპატიტიზე, აივ ინფექცია „შიდსზე“, ტუბერკულოზზე, კანის დაავადებების ანამნეზურ სკრინინგსა და ჰიპერტონიაზე. დაინტერესებულ პირებს ასევე შესაძლებლობა ჰქონდათ, ოფთალმოლოგისა და ოტო-რინო-ლარინგოლოგის კონსულტაცია მიეღოთ. პაციენტებს მომსახურებას კლინიკა „გიდის“ ექიმები უწევდნენ.

უფასო სამედიცინო აქციის მიმდინარეობას ხარაგაულის მუნიციპალიტეტის მერი ნიკოლოზ თოფურიძე ადგილზე გაეცნო და აქციის ორგანიზატორებს მადლობა გადაუხადა. „რაიონიდან გაუსვლელად, ასეთი სახის უფასო გამოკვლევების ჩატარება დიდი შვება და დახმარება ჩვენი მოსახლეობისთვის. ხარაგაულის მერია ასეთი ტიპის ღონისძიებებს ყოველთვის მხარს დაუჭერს და ვიმედოვნებ, რომ უფასო გამოკვლევები მუნიციპალიტეტში მომავალშიც ჩატარდება“, - აღნიშნა ნიკოლოზ თოფურიძემ.

თამარ მალრაძე

მუნიციპალიტეტის მერმა ნიკოლოზ თოფურიძემ მე-3 საჯარო სკოლის ინფრასტრუქტურა დაათვალიერა

ხარაგაულის მუნიციპალიტეტის მერმა ნიკოლოზ თოფურიძემ დაბის მე-3 საჯარო სკოლის დირექტორთან, მარინე ხვედელიძესთან, ერთად, სკოლის ინფრასტრუქტურა დაათვალიერა და ინფრასტრუქტურის სამსახურის უფროსს, თემური თაბუკაშვილს, სკოლის სრული რეაბილიტაციისთვის შესაბამისი დოკუმენტაციის მომზადება დაავალა.

„ახლა, როცა მერიასა და განათლების სამინისტროს შორის ურთიერთთანამშრომლობის მემორანდუმი გაფორმდა, საშუალება მოგვეცა, ინფრასტრუქტურის მხრივ დაფინანსებით საჯარო სკოლების მოწესრიგება. არაერთი ამორტიზებული სკოლა ხარაგაულის მუნიციპალიტეტში. მერიის შესაბამისი სამსახური ყველა სასწავლო დაწესებულებაში ადგილზე შეისწავლის შექმნილ მდგომარეობას. განისაზღვრება პრიორიტეტები, გადაეგზავნება სამინისტროს და ეტაპობრივად დაიწყება სკოლების რეაბილიტაცია“, - აღნიშნა ნიკოლოზ თოფურიძემ.

თემური თაბუკაშვილი განმარტავს, რომ,



საჯარო ადმინისტრაციის უფროსი საჯარო ხალიჩის უწყისიონიკოვას



განათლების სფერო რომ ხელსაწყოებისათვის პრიორიტეტია, ეს ყველასათვის ცნობილია. განსაკუთრებული ყურადღებაა საჭირო სასკოლო ასაკამდე მოზარდის სულის სწორად ფორმირებისათვის. საამაყოა, რომ ხარაგაულის მუნიციპალიტეტის სოფლებში ამ მხრივ ნამდვილად კარგი მდგომარეობაა, თუმცა

ამას ვერ ვიტყვი სარგვემის ადმინისტრაციულ ერთეულზე. აქ, ფაქტობრივად, საბავშვო ბაღი არასდროს ყოფილა. მას შემდეგ, რაც თემის მაჟორიტარ დეპუტატად რუსუდან გიორგაძე აირჩიეს, აღნიშნულ საკითხთან დაკავშირებით მუშაობა აქტიურად დაიწყო. სწორედ მისი უშუალო ძალისხმევით, სოფელში სკოლამდე ალზრდის დაწესებულების გახსნა იგეგმება. როგორც ცნობილია, ამჯერად ბაღი სარგვემის საჯარო სკოლის შენობაში განთავსდება. განათლებისა და მეცნიერების სამინისტრომ აღნიშნულთან დაკავშირებით მზაობა უკვე გამოთქვა და ხარაგაულის საგანმანათლებლო რესურსცენტრს ოფიციალური წერილი გაუგზავნა, რომელშიც ვკითხულობთ, რომ სამინისტრო თანახმა იჯარის წესით გასცეს 70 კვ.მ ფართი საბავშვო ბაღის ფუნქციონირებისათვის.

ალსანიშნავია ის ფაქტი, რომ ყველა ხარჯს (მასწავლებლის ხელფასი, კვება, შენობის მოწესრიგება და ინვენტარით აღჭურვა) სარგვემის თემის მაჟორიტარი დეპუტატი და ამავდროულად საკრებულოს თავმჯდომარის მოადგილე რუსუდან გიორგაძე პირადი სახსრებიდან გაიღებს. გარდა ამისა, დღემდე ერთჯერად დაგეგმილია სკოლის ბავშვებისა და პედაგოგების უფასო კვება.

„ჩემთვის ნამდვილად ერთ-ერთი საამაყო პროექტია. ვფიქრობ, ძალიან ბევრ პატარას გავხარებთ. შენობა თანამედროვე ტექნოლოგიების შესაბამისად აღიჭურვება, მოეწყობა სათამაშო ოთახი, სამზარეულო და საძინებელი. რაც შეეხება კადრებს, ბაღი კვალიფიციური პერსონალით დაკომპლექტდება.“ - აღნიშნა ქალბატონმა რუსუდანმა.

ქაა შაშიძე

ახალი კვარაუნი ხარაბაულის მერიად

ხარაგაულის მუნიციპალიტეტის მერმა ნიკოლოზ თოფურიძემ სუთ ადმინისტრაციულ ერთეულში მერის წარმომადგენლების თანამდებობაზე ახალი კადრები დანიშნა.

საკონკურსო-საატესტაციო კომისიის გადამწყვეტილებით, დაბის ადმინისტრაციულ ერთეულში მერის წარმომადგენლის პოზიციაზე ბაქარ ბარბაქაძე დანიშნა; სარგვემის ადმინისტრაციულ ერთეულში - ჯემალ კალანდაძე; ფარცხანლის ადმინისტრაციულ ერთეულში - კონსტანტინე ხარაძე; ხიდრის ადმინისტრაციულ ერთეულში - კონსტანტინე ბურაძე; ვახანის ადმინისტრაციულ ერთეულში - გრიგოლ სებისკვერაძე; დაინიშნენ, ასევე წარმომადგენლის ასისტენტები:

ნიფის ადმინისტრაციულ ერთეულში - სპარტაკ ლაბაძე; ბორითის ადმინისტრაციულ ერთეულში - ბადრი ბარბაქაძე და ზურაბ

ბარბაქაძე; ლორესის ადმინისტრაციულ ერთეულში - ივერი სულაქველიძე; კიცხის ადმინისტრაციულ ერთეულში - შაბა ჩხიკვაძე; ვახანის ადმინისტრაციულ ერთეულში - შაბა ბერძული; საკონკურსო-საატესტაციო კომისიის გადამწყვეტილებით, ახალი კადრები შეირჩნენ, შიდა აუდიტისა და მონიტორინგის სამსახურში. პირველი კატეგორიის უმცროს სპეციალისტად კრიან გელაშვილი დანიშნა, ხოლო მეორე კატეგორიის უმცროს სპეციალისტად - ნანა ხიჯაკაძე. რაც შეეხება ადმინისტრაციული სამსახურის მეორე კატეგორიის უმცროს სპეციალისტს, საარქივო საკითხებში, სოფო ტაბატაძე შეირჩა. გარდა ამისა, ვაკანტური იყო ხარაგაულის მუნიციპალიტეტის მერის თანამშენის თანამდებობა, რომელზეც შალვა ბენდიაშვილი დანიშნა.

„ჩვენი მელოია რა რიყია...“

ის დღეს ხარაგაულის მუნიციპალიტეტის მერიის ჯანმრთელობისა და სოციალური დაცვის სამსახურის უფროსია. ასეთ საპასუხისმგებლო მისიას თავს ვერ გაართმევ, თუ უფალი არ გწინამძღვრობს იმ დიდი მადლით, რომელსაც ადამიანის სიყვარული ჰქვია... და, რაც მთავარია, თუ ბავშვობიდანვე არ იზრდები ისეთ გარემოში, რომელშიც ამ გრძნობას სხვადასხვა ასპექტით ავლენდნენ შენი წინამძღვრები, შემდეგ მშობლები, ახლობლები...

ზემოთ აღნიშნული სამსახურის უფროსი ნანა კიკნაძე სწორედ ასეთ კერაზე გაიზარდა. წიგნის სიყვარული, ცოდნისაკენ სწრაფვა, უფროსებისადმი მოკრძალებად და პატივისცემა - ამ შთაგონებით ასაზრდოებდნენ ნანასა და მისი ძმების გონებას მშობლები, სოფო და ლევან (ბრუსკი) კიკნაძეები. წლების შემდეგ კი უფლის მიერ ნაჩვენებმა გზამ ნანა კიკნაძე რძალად შეიყვანა ისეთ ოჯახში, რომლისთვისაც მხოლოდ ქართული და ტრადიციული იყო მისაღები და სათაყვანო...

პავლე თავზარაშვილისა და ნელი ალაგვიძის ოჯახი ღირსებით რომ გამორჩეული იყო, ეს არაა გასაკვირი, რადგან მისი ცხოვრება იმ კალაპოტში მიედინებოდა, რომელიც ქუთაისისათვის მესაჭის, ვლადიმერ (ლადიკო) თავზარაშვილის, მიერ იყო გაკვალული...



სკოლის დამთავრების შემდეგ ცოდნისა და შრომის მადლით ლაღად მიაბიჯებს ნათელი გზებით: ამთავრებს საქართველოს აგრარული უნივერსიტეტის ეკონომიკის ფაკულტეტს, მუშაობას იწყებს თბილისის გამთიშველების ქარხნის ხარაგაულის ფილიალში ნორმადარად, მომდევნო ცხრა წელი მერიის საფინანსო განყოფილებაში მუშაობამ მიითვალა, ხოლო ერთი წელი - შესყიდვების სამსახურის უფროსის თანამდებობამ.

2014 წლიდან დღემდე ხარაგაულის მერიაში ჯანმრთელობისა და სოციალური დაცვის სამსახურს ხელმძღვანელობს.

„ჩვენი სამსახურის უმთავრესი მიზანია, როგორც უკეთესი გახდეს ადამიანთა ყოფა, ვცდილობთ, არსებული ბოუჯეტის ფარგლებში მაქსიმალურად მოვიცვათ ყველა სფერო. ყოველდღიურ რეჟიმში გვინევს მოქალაქეებთან ურთიერთობა. ვიცით, რომ სიკეთე დიდი მადლია, მაგრამ სურვილს ხშირად ვერ აკმაყოფილებს შესაძლებლობები.“ - აცხადებს ჩვენთან საუბარში ქალბატონი ნანა.

რასაკვირველია, ქალი უპირველესად მაინც მეუღლედ, დედად და ოჯახის დედაბოძად მოიაზრება, საზოგადოებრივ საქმიანობაში აქტიურად ჩართულ ქალბატონ ნანას სრულყოფილად აქვს შეთვისებული ეს უპირველე-

სი მოვალეობა... თბილისის გამთიშველების ქარხნის ხარაგაულის ფილიალში მუშაობის დროს შეხვდა ნანა კიკნაძე ცხოვრების ერთგულ თანამგზავრს, გია თავზარაშვილს (იმჟამად ქარხნის ინსტრუმენტალური მეურნეობის ბიუროს უფროსი, დღეს ხარაგაულის მუნიციპალიტეტის საკრებულოს ფრაქცია „ქართული ოცნება-კონსერვატორების“ თავმჯდომარე). ეროვნულ მოძრაობაში გარიჟრაჟიდანვე ჩაბმულმა ჭაბუკმა საკუთარ მისწრაფებებს აზიარა გულის სწორიც... შემდეგ კი, როცა საავადმყოფოში სარეცელზე მიჯაჭვულ გიას მამას, მეტყველების უნარდაკარგულ პავლე თავზარაშვილს, მეუღლე ნელი ალაგვიძემ აცნობა გიას ნანასთან დაწყვილების ამბავი, შენიშნა, რომ ავადმყოფს ფერდაკარგული სახე გაუნათდა და სიხარულის კურცხლები ეგდმოსცვივდა თვალთაგან... ეს იყო ალბათ წინასწარი აღქმა ავადმყოფისაგან იმ ბედნიერებისა, რასაც ოჯახი ეზიარებოდა ახალი წვერით... ნანამ გიასთან ერთად გაუძლო ყველა იმ წნეხს, რაც ქვეყანაში თავისუფალი ცხოვრების დამკვიდრებას თან ახლდა. გაუძლო სიყვარულის იმ დიდი ძალით, რაც მათ გულს აკავშირებდა.

დღეს სამი შვილის დედა, უკვე დედამთილი და ბედნიერი ბებიანა. ვაჟმა, ბაბუის სენია პავლე (პაკო) თავზარაშვილმა („ქართული ოცნება- დემოკრატიული საქართველოს“ ხარაგაულის ორგანიზაციის აღმასრულებელი მდივანი), ჟურნალისტ გვანცა გორჯოლაძეს დაუკავშირა ცხოვრება. მულებმა - ანამ და ელენემ გვანცას სახით საყვარელი და შეიძინეს. ოჯახის დიდი სიხარული, პირველი შვილიშვილი გიორგი თავზარაშვილი, მალე ძამიკოს ელოდება... ქალბატონო ნანა!

გილოცავთ დედისა და ქალის უმშენებლურ დღესასწაულს და გვახარებს, რომ იზრდება და ძლიერდება თავზარაშვილთა ლამაზი კერა და თქვენი დედობრივი ძალით ესწრაფვის მას:

„რაც მალაია და დიადია, რაც სუეტაკია და ქართულია!“

მერი გიორგიძე

სარგაულის მუნიციპალიტეტში ა(ა) იპ-ების რეორგანიზაცია იგეგმება

სარგაულის მუნიციპალიტეტში ა(ა) იპ-ების რეორგანიზაცია იგეგმება. ამის შესახებ დეპუტატებმა 20 თებერვალს გამართულ ბიუროს სხდომაზე იმსჯელეს. საკითხი მათ მერიის ადმინისტრაციული სამსახურის უფროსმა კახაბერ გოლუბიანმა გააცნო.

როგორც აღინიშნა, შესაძლებელია, მოხდეს შემდეგი ა(ა)იპ-ების ოპტიმიზაცია:

სკოლამდელ დაწესებულებათა გაერთიანება, სამუსიკო სკოლა და მოსწავლე-ახალგაზრდობის სახლი;

„სპორტის განვითარებისა და მართვის მუნიციპალური ცენტრი“, საფეხბურთო კლუბი „ჩხერიმელა - 2009“ და „ტურიზმის ცენტრი“;

ისტორიული მუზეუმი, ცენტრალური ბიბლიოთეკა, კულტურის ცენტრი, რეზო თაბუკაშვილის სახელობის ლიტერატურული თეატრი და ხალხური შემოქმედების სახლი; „სარგაულკეთილმონყობა“ და „სარგაულდასუფთავება“;

ბიუროს სხდომაზე დეპუტატთა მხრიდან დასმული იყო რიგი შეკითხვები, რომელსაც მუნიციპალიტეტის მერი ნიკოლოზ თოფურაძე პასუხობდა.

დეპუტატების კითხვებზე -გამოინვესს თუ არა ა(ა)



იპ-ების ოპტიმიზაცია თანამშრომელთა შემცირებას - სარგაულის მერმა ნიკოლოზ თოფურაძემ განმარტა, რომ რეორგანიზაციის პროცესი არ გულისხმობს თანამშრომლების მასობრივ დათხოვნას, თუმცა კადრების გადახალისება პერიოდულად აუცილებელია.

მისივე თქმით, სახელმწიფოს პოლიტიკაა, მაქსიმალურად გაკონტროლდეს და შემცირდეს ბიუროკრატიული ხარჯები. „ნებისმიერ სფეროში ეფექტიანი მუშაობა ნიშ-

ნავს საქმის ისე კეთებას, რომ ხარჯი სარგებელზე ნაკლები იყოს. ცვლილებების მიზანი ყველა რგოლის ეფექტიანი მუშაობაა“, - აღნიშნა სარგაულის მერმა.

საფინანსო - საბიუჯეტო კომისიის თავმჯდომარე ვარლამ ჭიბაშვილი მიიჩნევს, რომ რეორგანიზაციის პროცესი რთულია, მაგრამ აუცილებელი. მისივე თქმით, ყოველივე სამართლიან რეჟიმში უნდა წარიმართოს და ნაკლებად უნდა დაზარალებულნი იყოს თანამშრომლები.

მუნიციპალიტეტის მერის, ნიკოლოზ თოფურაძის, განმარტებით, „გაერთიანებულ ა(ა)იპ-ებს ერთი დირექტორი ეყოლება, ხოლო სფეროებს დირექტორის მოადგილეები უხელმძღვანელებენ. ექნებათ საკუთარი ბიუჯეტი და თავად გადაწყვეტენ, ჩამოაყალიბონ კომპეტენტური ადგილობრივი მენეჯმენტი, რომლითაც მოქალაქეებისთვის ხარისხიანი სერვისების მიწოდებას შეძლებენ.“

მუნიციპალიტეტის მიერ დაფუძნებული ა(ა)იპ-ების სტრუქტურული ცვლილებების შესახებ საბოლოო გადაწყვეტილებას 5 მარტს გამართულ საკრებულოს მორიგ სხდომაზე მიიღებენ.

თამარ მაღრაძე

საჯარო სკოლის პედაგოგებისათვის უფასო სამედიცინო აქცია ჩატარდა

მუნიციპალიტეტის საგანმანათლებლო რესურსცენტრის (უფროსი მოვალეობის შემსრულებელი თინათინ ბოჭორიშვილი), საქართველოს პედაგოგთა და მეცნიერთა თავისუფალი პროფკავშირის სარგაულის რაიონული ორგანიზაციისა (თავმჯდომარე ლალი სებისკვერაძე) და სარგაულის რეგიონული ჯანდაცვის ცენტრის (მენეჯერი შალვა ბიჭიაშვილი) ინიციატივით პირველ მარტს, საგანმანათლებლო რესურსცენტრში უფასო სამედიცინო აქცია გაიმართა. აქციის ფარგლებში სხვადასხვა პროფილის მაღალკვალიფიციური ექიმები (კარდიოლოგი, ენდოკრინოლოგი, ოფთალმოლოგი, ქირურგი, თერაპევტი) დაბის, ლაშისა და სალანდილის საჯარო სკოლების პედაგოგებს მოემსახურნენ. საჭიროებისამებრ, მათ ასევე ჩაუტარდათ ლაბორატორიული გამოკვლევები.



როგორც ჩვენთან საუბარში სარგაულის რაიონული ორგანიზაციის თავმჯდომარე ლალი სებისკვერაძე განმარტავს, აქცია ერთჯერადი არაა და მომავალშიც დაიგეგმება.

„პედაგოგებს საკმაოდ დატვირთული სამუშაო რეჟიმი აქვთ და ხშირ შემთხვევაში ვერ ახერხებენ ექიმთან მისვლას. ვფიქრობ, ეს აქცია მათთვის მნიშვნელოვანია. დიდი

მადლობა სარგაულის კლინიკის კოლექტივს, რომლებიც გვერდში დაგვიდგნენ და არ დაზოგეს საკუთარი შესაძლებლობები კეთილი საქმის გასაკეთებლად.“ - აღნიშნა ქალბატონმა ლალიმ.

სარგაულის მესამე საჯარო სკოლის პედაგოგი ვენერა კიკნაძე კმაყოფილია გამოკვლევებით და მაღალკვალიფიციური მომსახურებისთვის მადლობას უხდის მედპერსონალს.

„რამდენიმე პროფილის ექიმთან გავიარე კონსულტაცია, გავიკეთე ლაბორატორიული გამოკვლევებიც. მისაღებია, რომ ჩვენი მუნიციპალიტეტი ხელს უწყობს მსგავს აქტივობებს და ზრუნავს მოსახლეობის ჯანმრთელობაზე,“ - დასძინა ვენერა კიკნაძემ.

ლელა გუგულაშვილი

სარგაულის მუნიციპალიტეტში ფრაქციის თავმჯდომარის მოადგილეები აირჩნენ

20 თებერვალს გამართულ ბიუროს სხდომაზე საკრებულოს იურიდიულ, სამანდატო, საპროცედურო საკითხთა და ეთიკის კომისიის მიერ წარმოდგენილი დასკვნის საფუძველზე ბიუროს წევრებმა ცნობად მიიღეს ინფორმაცია ფრაქციების თავმჯდომარეთა მოადგილეების არჩევის შესახებ. საკითხი კო-

მისიის თავმჯდომარემ ოთარ ლურსმანაშვილმა წარმოადგინა. მისი ინფორმაციით, ფრაქცია „ქართული ოცნება-დემოკრატიული საქართველო“ თავმჯდომარე პაატა გოგოლაძეს ორი მოადგილე, შალვა ლურსმანაშვილი და ნონა ზურაბიანი ეყოლება, ხოლო ფრაქცია „ქართული ოცნება - კონსერვატორე-

ბის“ თავმჯდომარის მოადგილე აკაკი ლურსმანაშვილი აირჩნენ, რაც შეეხება „ქართული ოცნება - მრენველების“ თავმჯდომარის მოადგილის თანამდებობას, გივი ხიჯაკაძე დაიკავებს.

საკრებულოს ახალი თანამდებობის პირთა ანაზღაურება 1100 ლარით განისაზღვრა.

პარტოზელა მოკლავთა უხეველზე გავიარა

2 მარტს სარგაულის კინოთეატრში მარტოხელა მშობლებთან შეხვედრა გაიმართა. შეხვედრა სპეციალურად ამ დღისათვის მოწყობილი ფოტოგამოფენის ფონზე წარიმართა, რომელიც მარტოხელა დედებისა და მამების რეალურ ისტორიებს ასახავდა. საკუთარ ცხოვრებაზე, განვლილ სირთულეებზე და წარმატებების მიღწევის გზებზე ისაუბრა ა/ო „ადამიანის უფლებების განვითარების ფონდის“ მიერ მონეულმა უფლებადამცველმა, ლია მუხამაგირიამ, რომე-

ლიც ამავდროულად მარტოხელა დედაა. აღსანიშნავია, რომ ეს ორგანიზაცია თითქმის წელიწადნახევარია მარტოხელა მშობლების უფლებების ადვოკატირების პროექტს ახორციელებს და იურიდიულ კონსულტაციებს უწევს მათ. მისასაღებელია ის ფაქტიც, რომ ამ ფონდის რეკომენდაციის შედეგად სარგაულის მერიის სოციალურმა სამსახურმა (უფროსი ნანა კიკნაძე), სოციალურ პროგრამებში მარტოხელა მშობლებისათვის ერთჯერადი ფინანსური დახმარების სახით 200 ლარი გაითვალისწინა.

შეხვედრა კითხვა-პასუხის რეჟიმში წარიმართა. დამსწრე საზოგადოებამ მათთვის საინტერესო საკითხებზე ამომწურავი პასუხები მიიღეს ფონდის წარმომადგენლების: ქეთევან ლევაშვილისა და იურისტ სოფო ალექსიძისაგან.

შეგახსენებთ, რომ აღნიშნული ღონისძიება საკრებულოს გენდერული თანასწორობის საბჭოსა და მუნიციპალიტეტის მერიის მხარდაჭერით გაიმართა. შეხვედრის ინიციატორი მერის თანამდებარე გენდერულ და არასამთავრობო ორგანიზაციებთან ურთიერთობის საკითხებში ინგა ბერაძე

გახლდათ.

„შპირად გვესმის, რომ ბიუჯეტი უნდა იყოს გენდერულად მგრძობიარე, რაც მოიაზრებს იმას, რომ სოციალური პროგრამები საზოგადოების ყველა სეგმენტისთვის და მოწყვლადი ჯგუფისთვის ხელმისაწვდომი იყოს. მარტოხელა დედები ერთ-ერთი ასეთი ჯგუფია. დღევანდელი შეხვედრა საინფორმაციო ხასიათის იყო. ძირითადი შეკითხვები სტატუსის მიღებას ეხებოდა, რაც დღევანდელი კანონით თუ ბავშვის დაბადების მოწმობაში მამის გრაფა ცარიელი არაა რთულია მიიღო. ა/ო „ადამიანის უფლებათა განვითარების ფონდი“, მუშაობს, რომ გაფართოვდეს მარტოხელა დედის სტატუსის გაცემა და ის მარჩენალ დაკარგულ, ქმარგაცილებულ და ყველა დედას მოიცავდეს, რომელიც ბავშვს მარტო ზრდის. ეს ადამიანები ჩვენი საზოგადოების მნიშვნელოვანი ნაწილია და გვემართება მათზე ზრუნვა. ვფიქრობ, სამომავლოდ უფრო მეტად შეეძლებოდა ბიუჯეტში მათი საჭიროებების ასახვას,“ - განმარტა ინგა ბერაძემ.

თამარ მაღრაძე



ყურადღება, აუქციონი!

სარგაულის მუნიციპალიტეტის მერიამ საკუთრებაში არსებული უძრავი ქონების პრივატიზების მიზნით ელექტრონული აუქციონი გამოაცხადა.

წინასწარი შესატანი „ბე“-ს ოდენობა საწყისი საპრივატიზაციო საფასურის 10%-ია; „ბიჯი“-საწყისი საპრივატიზაციო საფასურის- 10%.

საპრივატიზაციო ობიექტებია: სოფელ წყალაფორეთში მდებარე შენობა-ნაგებობა (ობიექტის საწყისი ღირებულება 1000 ლარი); სოფელ ლაშეში ყოფილი კლუბი -კანტორის შენობა-ნაგებობა (ობიექტის საწყისი ღირებულება -6000 ლარი);

სარგაულის მუნიციპალიტეტის მერიის ბალანსზე არსებული ავტომანქანა IVEKO DAILY 30-8, N GGT-196 (საწყისი ღირებულება-2000 ლარი);

სოფელ წყალაფორეთში არასასოფლო-სამეურნეო დანიშნულების მიწა (საწყისი საპრივატიზაციო ღირებულება-1600 ლარი);

სოფელ ხორითში არასასოფლო-სამეურნეო მიწის ფართი და მასზე მდგარი შენობა-ნა-

გებობა (საპრივატიზაციო ღირებულება 2700 ლარი);

სოფელ მარელისში არასასოფლო-სამეურნეო დანიშნულების მიწა (საპრივატიზაციო ღირებულება 620 ლარი);

სოფელ მარელისში არასასოფლო-სამეურნეო დანიშნულების მიწა (საპრივატიზაციო ღირებულება 275 ლარი);

განმეორებითი აუქციონი ცხადდება მუნიციპალიტეტის საკუთრებაში არსებული უძრავი ქონების იჯარით გაცემის შესახებ. კერძოდ: სოფელ ხიდარში სარიტუალო კარბაზი (წლიური საიჯარო თანხა -2826 ლარი);

სარგაულის მუნიციპალიტეტში, სოლომონ მეფის ქუჩა №92 -ში მდებარე არასასოფლო-სამეურნეო დანიშნულების მიწის ნაკვეთი (წლიური საიჯარო თანხა 672 ლარი); აუქციონი პირველ მარტს დაიწყო და 12-15 მარტს დასრულდება.

შეგახსენებთ, რომ აღნიშნულის შესახებ დამატებითი ინფორმაცია განთავსებულია საქართველოს ფინანსთა სამინისტროს მომსახურების სააგენტოს ვებ-გვერდზე (eauction.ge).

ამერიკული პროგრამა საქართველოს განვითარებისთვის

კარგა ხანია, რაც საქართველოში ამერიკული კომპანია „იდეების განვითარების ფონდი“ (ZIDF) შეიქმნა, რომლის ძირითადი მიზანია სოფლის მეურნეობის, ტურიზმის, განათლების, სპორტისა და კულტურის განვითარების ხელშეწყობა. პირველ ეტაპზე გრანტის მიღების მსურველმა უნდა შეავსოს განცხადება და წარადგინოს ბიზნესგეგმა.

არასამთავრობო ორგანიზაციის კოორდინატორი სარგაულის მუნიციპალიტეტში ქინი მანანა ტაბაშიძე აცხადებს, რომ მცირე გრანტები, დაახლოებით, 2000\$-დან 20 000 \$-მდე გაიცემა და მენარმის მხრიდან თანამონაწილეობას არ მოიცავს. დანტერესებულმა პირებმა რეგისტრაციისთვის მხოლოდ 10 ლარი უნდა გადაიხადონ.

აღსანიშნავია, რომ ფონდი უზრუნველყოფს სასოფლო-სამეურნეო პროდუქციის

წარმოებას, შენახვა-გადამუშავებას; მექანიზაციისა და სატრანსპორტო საშუალებების, ნედლეულის გადამამუშავებელი და შესაფუთი დანადგარებისა და ხელსაწყოების შესყიდვას; ასევე მშენებლობასთან და ინფრასტრუქტურის რეაბილიტაციასთან დაკავშირებულ ხარჯებს; მსხვილფეხა რქოსანი პირუტყვის, ღორების, ცხვრების, თხების, ბოცვრების, ფრინველების შესყიდვასა და ამ საქმიანობასთან დაკავშირებულ კაპიტალურ ხარჯებს; თევზის მოშენებასა და საგუბრების რეაბილიტაციას; კენკრის, ვენახისა და მრავალწლიანი ხარგავების გაშენებას; ტურიზმის სექტორში ჩართული თემების შესაძლებლობების გაზრდასა და მათ დაფინანსებას.

დამატებითი ინფორმაციისათვის დაუკავშირდით ქალბატონ მანანა ტაბაშიძეს. ტელ: 577 64 04 00;